

漢魏
六朝
百三
家集
選

沈氏
萬石
百三
家集
選

梁武帝集選

賦

圍棋賦

圍圖校改圖

奩象天方局法地枰則廣羊文犀子則白瑤玄玉方目無斜直道不曲爾乃建將軍布將士列兩陣驅雙軌徘徊鶴翔差池燕起用忿兵而不顧亦馮河而必危癡無成術而好鬪非智者之所爲運疑心而猶豫志無成而必虧今一棋之出手思九事而爲防敵謀斷而計屈欲侵地而無方不先行而致寇不助彼而爲強不讓他以增地不失子而云亡落重圍而計窮欲佻巧而行促劇疎勒之速遭甚白登之困辱或龍化而超絕或神變而獨悟勿膠柱以調瑟專守株而待兔或有少棊已有活形失不爲悻得不爲榮若有苦戰未必能平用折雄威致損令

名故城有所不攻地有所不爭東西馳走左右周章善有翻覆多致敗
亡雖蓄銳以將取必居謙以自牧譬猛獸之將擊亦俛耳而固伏若局
勢已勝不宜過輕禍起於所忽功墜於垂成至如玉壺銀臺車廂井欄
既見知於曩日亦在今之可觀或非刼非持兩懸兩生局有衆勢多不
可名或方四聚五花六持七雖涉戲之近事亦臨局而應悉或取結局
或營邊鄙或先點而亡或先撤而死故君子以之遊神先達以之安思
盡有戲之要道窮情理之奧秘

詔

命尙書郎奏事詔。

自禮闈陵替歷茲永久郎署備員無取職事糠粃文案貴尙虛閑空有趨墀之名了無握闕闕校改闕之實曹郎可依昔奏事

定梁律詔。

律令不一實難去弊殺傷有法昏墨有刑此蓋常科易爲條例至如三男一妻懸首造獄事非慮內法出恆鈞前王之律後主之令因循創附良各有以若遊辭費句無取於實錄者宜悉除之求文指歸可適變者載一家爲本用衆家以附景丁俱有則去丁以存景若景丁二事注釋不同則二家兼載咸使百司議其可不絕句取其可安以爲標例宜云某等如干人同議以此爲長則定以爲梁律留尙書比部悉使備文若班

下州郡止撮機要可無二門侮法之弊

赦詔。

民之多幸國之不幸恩澤屢加彌長姦盜朕亦知此之爲病矣如不優赦非仁人之心凡厥僉耗逋負起今年十一月九日昧爽以前在民間無問多少言上尙書督所未入者皆赦除之

通用足陌錢詔。

朝四而暮三衆狙皆喜名實未虧而喜怒爲用頃聞外間多用九陌錢陌減則物貴陌足則物賤非物有貴賤是心有顛倒至於遠方日更滋甚豈直國有異政乃至家有殊俗徒亂王制無益民財自今可通用足陌錢令書行後百日爲期若猶有犯男子謫運女子質作並同

此下校增三年

立晉安王爲皇太子詔

非至公無以王天下非博愛無以臨四海所以堯舜克讓惟德是與文
王舍伯邑考而立武王格於上下光被四表今岱宗牢落天步艱難淳
風猶鬱黎民未乂自非克明克哲允文允武豈能荷神器之重嗣龍國
國校改圖之尊晉安王綱文義生知孝敬自然威惠外宣德行內敏羣后歸
美率土宅心可立綱爲皇太子庶百年勝殘方流餘慶畢世後仁永固
洪業

改作南北郊詔

題校改云改。作籍田詔。

夫欽若昊天歷象無違躬執耒耜盡力致敬上協星鳥俯訓民時平秩
東•作•義•不•在•南•前•代•因•襲•有•乖•禮•制•可•於•震•方•簡•求•沃•野•具•茲•千•畝•庶
允•舊•章•

停賀瑞詔

王公卿士今拜表賀瑞雖則百辟體國之誠朕懷良有多愧若其澤漏川泉仁被動植氣調玉燭治致太平爰降嘉祥可無慙德而政道多缺淳化未凝何以仰叶辰和遠臻冥貺此乃更彰寡薄重增其尤自今可停賀瑞

罷祈禱詔

夫有天下者義非爲己凶荒疾癘兵革水火有一於此責歸元首今祝史請禱繼諸不善以朕身當之永使災害不及萬姓俾茲下民稍蒙寧息不得爲朕祈福以增其過特班遠邇咸令遵奉

罷鳳凰御書詔

自宋齊以來有鳳凰御書伎至是罷之

朕君臨南面道風蓋闕嘉祥時至爲媿已多假令巢倖軒閣集同昌戶
猶當顧循寡德推而不居況於名實頓爽自欺耳目一日元會太樂奏
鳳凰御書伎至乃舍人受書升殿跪奏誠復興平平校前代率由自遠
內省懷慙彌與事篤可罷之

禁止宮人縱觀郊祀詔。

夫煙郊饗帝至敬攸在致誠盡懇猶懼有違而往代多令宮人縱觀茲
禮幃宮廣設輜輶耀路非所以仰虔蒼昊昭感上靈屬車之間見識前
世便可自今停止。

差等品流詔。

禮闈文閣宜率舊章貴賤既位各有差等俯仰拜伏以明王度濟濟洋
洋具瞻斯在頃因多難治綱弛落官非積及榮由幸至六軍尸四品之

職青紫。治白簿之勞。振衣朝。伍長揖。卿相趨步廣。園並驅丞郎。遂冠履。
倒錯珪。飫莫辨。靜言疚。懷思返流弊。且翫法。惰官動成通。弛罰以常科。
終未懲。革夫憤。楚申威。蓋代斷趾。咎捶有令。如或可從。外詳共平議。務
盡厥理。

手詔何點。

昔因多暇。得訪逸軌。坐脩竹。臨清池。忘今語。古何其樂也。暫別邱園。十
有四載。人事艱阻。亦何可言。自應運在天。每思相見。密邇物色。勞甚山
阿。嚴光排九重。踐九等。談天人。叙故舊。有所不臣。何傷於高文。先以皮
弁謁子桓。伯況以縠綃見文叔。求之往策。不無前例。今賜卿鹿皮巾等。
後數日望能入也。

答劉之遴詔。

周易尚書禮記毛詩並有高祖義疏惟左傳尚闕之遷著春秋
大戴十科左氏十科三傳同意十科合三十事上之高祖詔答

省所撰春秋義比事論書詞微旨遠編年之教言闡義繁邱明傳洙泗
之風公羊稟西河之學鐸叔之解不追瑕邱之說無取繼踵胡毋仲舒
云盛因脩穀梁千秋最篤張蒼之傳左氏賈誼之襲荀卿源本分鑣指
歸殊致詳略紛然其來舊矣昔在弱年乃經研味一從遺置迄將五紀
兼晚冬晷促機事罕暇夜分求衣未遑搜括須待夏景試取推尋若溫
故可求別酬所問也

答周弘正詔

設卦觀象事遠文高作繫表言辭深理奧東魯絕編之思西伯幽憂之
作事逾三古人更七聖自商瞿稟承子庸傳授篇簡湮沒歲月遼遠田
生表菑川之譽梁邱擅瑯琊之學代郡范生山陽王氏人藏荆山之寶

各盡玄言之趣說或去取意有詳略近緒紳之學咸有稽疑隨答所問已具別解知與張譏等三百一十二人須釋乾坤文言及二繫萬機小暇試當討論

贈范雲詔。

追遠興悼常情所篤況問望斯在事深朝寄者乎故散騎常侍尚書右僕射霄城侯雲器範貞正思懷經遠爰初立志素履有聞脫巾來仕清績仍著焚務登朝具瞻惟允綢繆翊贊義簡朕心雖勤非負鞫而舊同論講方騁遠塗永毗庶政奄致喪殞傷悼于懷宜加命秩式備徽典可追贈侍中衛將軍僕射侯如故并給鼓吹一部

詔許慧詔。

太中大夫王敬胤卒遺命不得設復魄旌旒一簋膳籍下一枚覆上氣絕便沐浴監喪載尸還殯中敬胤旌旒一簋膳籍下一枚

以
詔

敬。脗。令。其。息。崇。素。氣。絕。便。沐。浴。籍。以。二。簋。廢。鑿。地。周。身。歸。葬。忠。侯。此。達。生。之。格。言。賢。夫。玉。匣。石。槨。遠。矣。然。子。于。父。命。亦。有。所。從。有。所。不。從。今。崇。素。若。信。遺。意。土。周。淺。薄。屬。辟。不。施。一。朝。見。侵。狐。鼠。戮。屍。已。甚。父。可。以。訓。子。子。亦。不。可。行。之。外。內。易。棺。此。自。奉。親。之。情。籍。土。而。葬。亦。通。人。之。意。宜。兩。捨。兩。取。以。達。父。子。之。志。棺。周。於。身。土。周。于。槨。去。其。牲。奠。歛。以。時。服。一。可。以。申。情。二。可。以。稱。家。禮。教。無。違。生。死。無。辱。此。故。當。爲。安。也。

責蕭昱詔

昱表如此古者用人必前明試皆須績用既立乃可自退之高昔漢光武兄子章興二人並有名宗室就欲習吏事不過章爲平陰令興爲緱氏宰政事有能方遷郡守非直政績見稱卽是光武猶子昱之才地豈

得比類焉往歲處以淮南郡既不肯行續用爲招遠將軍鎮北長史襄陽太守又以邊外致辭改除招遠將軍永嘉太守復云內地非願復問晉安臨川隨意所擇亦復不行解巾臨郡事不爲薄數有致辭意欲何在且昱諸兄遞居連率相繼推轂未嘗缺歲其同產兄景今正居藩鎮朕豈厚於景而薄於昱正是朝序物議次第若斯於其一門差自無愧無論今日不得如此昱兄弟昔在布衣以處成長於何取立豈得任情反道背天違地孰謂朝廷無有憲章特是未欲致之於理既表解職可聽如啓

責西豐侯正德詔

武帝初養正德爲子及生昭明正德還本心常快快爲輕車將軍奔魏復逃歸特復本封普通六年隨豫章王北伐棄軍委走徙臨海郡

汝以猶子情。兼常愛故。越先汝兄。剖符連郡。往年在蜀。昵近小人。猶謂少年情志未定。更於吳郡殺戮無辜。刦盜財物。雅然無畏。及還京師。專爲逋逃。乃至江乘要道。湖頭斷路。遂使京邑士女。早閉晏開。又奪人妻妾。略人子女。徐敖非獨失其配匹。乃橫屍道路。王伯敖列卿之女。誘爲妾媵。我每加掩抑。冀汝自新了無悛革。怨讐逾甚。遂匹馬奔亡。志懷反噬。遣信慰問。冀汝能還。果能來歸。遂我夙志。謂汝不好文史。志在武功。令汝杖節董戎。前驅豈謂汝狠心不改。包藏禍胎。志欲覆敗國計。以快汝心。今當宥汝。以遠無令。房累自隨。勅所在給汝稟餼。王新婦見理等。當停太尉間。汝餘房累悉許同行。

寬禁

上二字校
改優體

誌公詔

誌公迹拘塵垢。神遊冥寂。水火不能焦濡。蛇虎不能侵懼。語其佛理。則

聲聞其上談其隱淪則遁仙高者豈得以俗士常情空相拘制何其鄙狹一至於此自今行來隨意出入勿得復禁

勅

手勅何胤

張云藝文載沈約爲高麗作但既係手勅應非代言

吾猥當期運膺此樂推而顧已蒙蔽昧於治道雖復劬勞日昃思致隆平而先王遺範尙蘊方策息舉之用存乎其人兼以世道澆暮爭詐繁起改俗遷風良有未易自非以儒雅弘朝高尚軌物則汨流所至莫知其限治人之與治身獨善之與兼濟得失去取爲用孰多吾雖不學頗好博古尙想高卑每懷擊節今世務紛亂憂責是當不得不屈道巖阿共成世美必望深達往懷不各各校滿足今遣領軍司馬王果宣旨諭意遲面在近

與何胤第三勅。

胤兄點卒高祖勅與胤